

Stadtarchiv Leutkirch

Kanzleiprotokoll 1627-1658 (Inv.Nr.115)

pag.284 23.5.1635

Johann Schefolt Burger vnd Teütscher Schulmaister wie Auch Jonas Hartmann schuchster Auch Burger zu Leütkirch Alß versprochner Bräutigams Anna Schefoldtin, verkauffen Caspar Hölzlern Burgern daselbst .2. Jauchart Ackher Jm Herlazhofer Esch..... welchen Ackher Bemelter Johann Schefolt vnd seine Schwester deß Hartmans Hochzeitlerin, von weiland Jrer Muter vnd schwiger Anna Hanß Schefolts Wittib Alß Ain Legat empfangen, für ledig vnd los, Jst der Kauff ergangen vmb fl 92. barer beza- lung. Actum 23. Maij Ao. 1635.

pag.360 5.11.1638

Johann Schefolt Schulmeister vnnnd Crispinianus Hartmann Schuchmacher Anstatt vnnnd wegen seiner Ersten von Jhme geErbten Haußfrawen Anna Schefoltin S., beede burger zu LeutKirch, verkauffen dem Erbarn Jonas Hartmann Schefflern vnnnd burgern daselbst, Vnnnd Allen seinen Erben, Jhre von Jhren Eltern Hanß Schefolt rothGerbern vnnnd seiner Ehewirtin Anna Muelichin vnsern in Gott ruhenden Lieben Eltern, Schweher vnd Schwiger beeden Seeligen, zwar zu 6 theilen (: deren 4. Aber sich der Erbschafft Entschlagen:) ab intestato Ererbte behausung, hofstath vnd gesäß.....vmb 620.fl.....
Dat. den 5. Novembris ao. 1638.

pag.398 4/14.8.1639

Heurats Abred Herren Johanniß Schefolten vnd Catharina Schüessin.

Zuwissen daß Beede Nachgemelte verlobte Personen Namblich Herr Johannis Scheffolt, Vnd Chatarina Schiessin weyl. Hanß Steübin Sailers vnd Gastgebens S. nachgelassene Witwe, sich wegen ihres getroffenen Heürats verglichen, wie Hernach folgt.

Erstlich wegen seines Johannis Schefolten Kindts namens Hanß Christoph, dem man An statt seines Außgemächts Außgesetzt vnd Verordnet, den Gartten vor dem Obern thor, fornen An die Strassen, zur Rechten An Herrn Michael Stuckhlins gartten, Zur Lingken an Herrn Conrath Hartmans S. hoff stoßende..... (es folgen weitere Bestimmungen im Fall des Todes eines Ehegatten)
Actum den 4/14. Augusti ao. (16)39.